

重刊
宜興縣舊志
二

ル 5
3285
2



凡 5
3285
卷 2

重刊宜興縣舊志卷之二

營建志

城垣

宜興城垣即古陽羨城也建於吳赤烏六年前臨荆溪後阻河左右俱塹有濠周一里九十步高一丈二尺厚稱之濠濶三丈五尺晉惠帝永興元年立為義興郡城為太守治所移縣治在君山後復為縣又或稱州稱軍稱府皆因之具見沿革志中舊有二門南二里曰南興北一里曰慶源明初克宜城總制楊國興改築永樂十四年益展拓之南距周瀆北距慶源東西夾兩沈周九里三十步高二丈五尺濠濶三丈餘深一丈五尺東西南北凡四門又設小



昭和十八年
八月十八日
送

重刊宜興縣志卷之二
東門各建成樓於上成化十四年重修宏治四年令陳策復修正德七年令劉一中修整雉堞併築東西北三水關俱有闌有護隄十四年令劉秉仁復修嘉靖三十四年令董鯤以倭警增建敵臺五座四十三年令黃茂增建東西關樓

邑人吳可行關樓記曰宜興爲東南隰壤宣歙溧金諸郡縣居其上游水之入具區沿吳淞以歸於海者率由此邑城東西滙爲大壤中醜爲大渠因堰以爲隄跨渠以爲梁若歲水溢暴集怒湧弗可抑制設關於梁下視他邑稍難他邑多孔道或當要害獨宜興爲僻壤其地

勢險其田產良其民山採而水蒔足以自給晏然不聞桴鼓之警召發之役也關之設否若有無繫於安危者往者倭夷匪茹竊發海浦逸竄具區湖中浮舟負颿可蹕而至於設關之議始興黃侯後山公來尹茲邑以請於撫院謝公按院董公咸報曰可取費於帑金取力於羨卒爰擇能吏揆日庀工以甃以礮以繩以削東爲樓若干楹西爲屋若干楹樓暨屋之南北各房一所皆乘夫跨渠之梁焉梁之下方承以磚防其頽也梁之內方旁以石以爲闌也中置木板視水之高下而增損之前置鐵扇視日之昏昕而啟閉之禁障宣通咸適其節

心思既竭難者易焉不督不期役者自勸不踰時而告成事嗟乎予觀衣裊之交桑土之什而知聖人貴防於豫也究其所以爲防在於持危保治之心平政明刑之舉而設險除器凡以耀威而弭變者莫或先之及夫時所當爲則又不敢以爲後鄭國火子產爲之救災補敗衛有狄難文公治其城市宮室史記之詩人詠之蓋取其因時而得宜也黃侯之爲邑也寬以有制靜以有謀甫及載期俾姦強柔帖隱誦發舒政治旣洽民用輯甯無形之防所資以鎮衛者大矣吾宜瀕于倭患剝膚震隣殆幾乎鄭衛之所遭者因計久安遂興茲役先事之備及時圖之邑居眾庶見闕門之鞏固而不知財之所出幸舊澤之息警而不見勞之及已卽文公子產何以加焉侯嘗寓書於予曰子邑人也宜有言以語後之人令嗣續而完之以永其存善夫仁人慮事之周恤民之勤如此子敢以不文辭哉故推本設闕之意而爲之記

...以不文...
...命...
...出幸...
...附...

重刊宜興縣舊志卷之二

營建志

公署

僚屬衙署附

自建縣以來舊在長橋北二十步至晉宋五代置郡時為郡治而縣治移君山麓後復舊所元元貞初改為州治至正十六年兵燬明初改為守禦總制官治尋改守禦千戶所移縣治於東隅今東察院其故址洪武十三年裁守禦所官仍以為縣治重建正廳架閣庫川堂後堂儀門譙樓令趙惟一增設戒石亭旌善亭申明亭暨六房吏舍洪武三十二年令周賓設各官公廨監房宣德九年令章惟澄設同心堂兩廊屋正統九年建鑾駕庫東庫西庫嘉靖閒令馮惟

訥建石庫後令方逢時改同心堂爲後堂撰知縣題名記立石於正堂之左

方逢時題名記曰洪惟我國家稽古建官上而公卿大夫下而百職事尊卑有等貴賤有差內外相資體統不紊凡以爲民也然位高者其情塞勢遠者其澤窮故施政布惠與民最親且切者惟令爲然蓋令者位卑責重百司之務咸與焉位卑則勢有所不及責重則不可以易舉百務咸與則其才或有所不周叢脞瑣屑難於厥職者亦惟令爲然故曰生民休戚在守與令又曰苟非其人民受其殃噫其可以易而爲之哉宜興爲毘陵僻

邑風氣敦樸民物質野而錢穀訟獄實繁且劇其治之也爲尤難嘉靖壬寅予來承乏濫武諸君子後仰其人師其政事而勸戒之心生焉久之且懼其名自我而沒之也爰於庶務之暇遡而求之百八十年間得卜公原善以下三十九人著其姓氏考其里爵次其任之先後始於國初重時制也畧於丞簿政不在也信者書之疑者缺之示可徵也旣成乃命工鑄之石以垂不朽而謬序其言於石之端如此夫是石之立也所書者名而已若夫所謂忠詐直曲之戒如古之人所云者則民之輿論遺思昭昭在也予曷敢知亦奚敢於詳雖然循名而

責實因人而反已願同志者加之意而已慎毋以其名而忽之其庶幾乎

隆慶三年令徐應聘闢首領衙之南隙地爲迎賓館三間茶房一間繚以周垣萬曆二年令韓容以縣署之旁爲刑獄庫藏所悉撤土垣周遭疊石爲之凡一百五十丈併重整譙樓萬曆十年令黃道瞻以同心堂後寢室卑敞乃蠲已俸撤舊宇建樓前後各三間扁曰自公樓萬曆乙酉令梁銓以縣治歲久而敞兼堪輿家說不宜左偏撤舊鼎新徙正堂稍西與頭門相直儀門甬道戒石亭六房兩廊並徙正之大堂後增建後堂五間以舊治廳址改建架閣庫

丁亥春令陳遴璋復徙土地祠迎賓館於儀門外左偏以補其闕而以旌善亭申明亭徙建譙樓門外規制宏敞整整可觀堂額舊名新民今改明新邑人曹三暘爲之記

曹三暘明新堂記曰我國家崇表經術故士大夫談理道者率以明德新民爲準卽二百年來所稱盛德至善樂利親賢未必盡追隆古而較諸史氏所稱吏稱其職民安其業不啻過之則經術造士之效也蓋表端則影直源潔而流清上感下應理有固然顧予以爲上下相與其勢相親便者尤莫如縣令自縣令而上若刺史若臺省若部院若宰輔其職漸尊其去民漸遠卽有徵發

期會必轉自縣令出故縣令之於民也其歡欣疾苦相通也其起居作息相覩聞也其淑慝邪正相視效也一言之發民爲傾耳一政之布民爲拭目一念趨舍動爲民之竊伺而潛窺是以令之欲新斯民者尤必以明德先焉求人以其所有非人以其所無淵涓變屈之中不加情大庭廣眾之上不加修而民日蒸蒸焉去爾狡僞還爾淳龐耕而食鑿而飲含哺鼓腹而嬉而游是邑民之新卽令之所以明明德於一邑也晚世士大夫怠棄其德鄙夷其民無論貪汙淫虐卽有好修勵行者往往用智喜功詭道要譽彼且以鷹擊毛舉爲快以筭術

發摘爲神噫德薄矣民何由化夫止水之明也以靜而淵魚見察則爲擾日月之明也以公而一人煬竈則爲偏今弗咎其德之弗明而嘵嘵然罪其民之弗新曰是末俗季世不可以上古之化化也其誣民抑又甚矣吾邑山水深厚風氣渾樸自昔號稱易治邇雖浮華漸長奸宄寢多稍稍非昔比然比之治他邑猶倍蓰也是在長民者加之意耳蚌胎視月月盈則充磁石引鐵鐵赴如指在物且爾矧民也乎哉單父棄魚之俗成於宓賤成人蠶績之利昉於子皋豈其邑之故歟其觀而化者有自也邑治舊有堂扁曰新民視門樓稍東偏且歲久

蠹甚狀若摧圯觀者危之而謂於經費莫有處也梁侯
蒞政以來約已裕民帑有餘積因建議更置爲請於上
官報可乃鳩工程材相度形勢移而西者數武不旬月
而規制宏敞煥然一具瞻矣堂既成問名於余曰孔子
稱物有本末又曰本亂而未治者否矣今堂曰新民而
不及明德本末之謂何某懼夫昕夕顧諟者遺其本而
末之求也請以明新易之何如余曰梁侯其知本哉今
而後吾民其幸得新矣無何侯以入覲行猶惓惓焉囑
吳尉某襄其功而屬記於予予不能以不文辭乃爲述
其命名之意而記之如此梁侯名銓浙之仁和人以鄉
魁登進士第筮仕吾邑其措注作用種種與俗吏別茲
舉也乃以自勗併以勗夫後之繼侯而治者爲宜人造
福無涯也例得特書云

國初六房吏舍盡圯順治十七年令王震亨重修未竟康
熙二年譙樓以雷震圯康熙七年令高標備設吏舍重建
譙樓功未就而解任康熙十一年令史宗堯踵其事亦未
就而去康熙十五年令劉啟和重修功克成
縣丞廨舍二所舊在縣正廳東南一南向一西向萬曆庚
寅縣丞陳耕捐俸改建

典史廳舍在縣署儀門外東公廨側

下邳巡檢廳舍在縣東北三十五里洞山區明洪武三年建

鍾溪巡檢廳舍在縣北五十里萬一區明洪武三年創建
嘉靖間增廳舍萬曆間重修

張渚巡檢廳舍在縣西南七十里永豐區明洪武三年建
萬曆二十二年重修主事張納陛記

湖溪巡檢廳舍在縣東南四十五里均山區明洪武三年建

重刊宜興縣舊志卷之二
營建志 倉庫

苗倉宋時建在縣西門今廢

麥倉宋時建在縣東門今廢

常平倉宋時在通真觀南元初改附無錫州至正辛巳仍移本州治東壬辰兵燬

社倉宋時建舊址無考朱熹記

朱子記曰始余居建之崇安嘗以民饑請於郡守徐公嘉得米六百斛以貸而因以為社倉今幾三十年其積至五千斛而歲斂散之里中遂無凶年中閒蒙恩輒以

上聞詔施行之而諸道莫有應者獨閩帥趙公汝愚使者宋公若水爲能廣其法於數縣然亦不能遠也紹熙五年春常州宜興大夫高君商老始爲宰於其縣善計開寶諸鄉凡爲倉者十一合之爲米二千五百有餘斛擇邑人之賢者承議郎趙君善石周君休承直郎周君世德以下二十有餘人以典司之而爲書以屬予記予心許之而未及爲也會是歲浙西水旱常州民饑尤極流殍滿路顧宜興亦不熟而貸之所及者尤有賴焉然吾獨慮夫貸者之不能償而高君之惠將有所窮也明年高將受代以去乃復與趙周諸君皆以書來趣予文

且言去歲之冬民負米以輸者繼屬爭先視貸籍無合龠之不人予於是益喜高君之惠得以久於其民又喜民之信愛其上而不忍欺也則爲之記其所以然者抑又慮其久而不能無弊於其閒也則又因而告之曰有治人無治法此雖老生之常談其實不可易之至論也夫先王之世使民三年耕必有一年之蓄故積之三十年則有十年之蓄而民不病於凶饑此可爲萬世之良法也其次則漢之所謂常平者今固行之其法亦未嘗不善也然考之於古則三登太平之世蓋不常有而驗之於今則常平者獨其法令簿書筭鑰之僅存耳是何

也蓋無人以守之則法爲徒法而不能以自行也而況於其所爲社倉者聚可食之物於鄉井荒閑之處而主之不以任職之吏馭之不以流徒之刑苟非得聰明仁愛之令如高君又得忠信明察之士如今日之數公者相與并心一力以謹其出入而杜其奸欺則其法之難守不待他日而見矣此又予之所身試者故并書之以告後之君子云

常豐倉

即宋時常平倉

在縣治西明洪武初令謝德清創建後改移西察院順治初年燬今址尙存

預備糧儲倉四所一在縣治東一在縣治前一在縣西北

七十里山亭區一在縣北二里開寶區今並廢

濟農倉在縣治東南明嘉靖五年令趙繼勳建前有月臺甬道門樓中有廳事川堂後堂兩旁有廩貯各項備賑米穀崇禎間燬遂廢

東倉本名常平倉在縣東門外中有廳事川堂後堂前有月臺甬道門樓旁有廩收貯開寶等區糧米

南倉本名興福倉在縣南門外規制並同東倉收貯伍賢等區糧米

國初兩倉廩盡燬順治五年奉撫院土國寶批行圖兌法使輪年甲運自造倉廩每一圖爲一楹七八楹爲一廩檐步相通以便兌米每兩廩相對口置柵門外口置大柵門嚴整有加於舊

縣庫在縣治正廳東與縣治同建有大庫小庫明嘉靖間令馮惟訥增建石庫藏貯庫銀黃洪毘記

黃洪毘石庫記曰陽羨風淳民樸視江左爲尤侵漁麗法者反多於他郡觀風史稽利弊率眾以戒筦庫之士雖豪傑守令不過憤且惜之而已庚子冬同年馮君少洲至見庫門敝漏上隙旁穿可以手攫而取囊鍵委私室奴隸人或寢處其中喟然嘆曰弛禁以起貪陳利而誨盜是設筭而驅之也罪果在吾民乎遂請於當道撤而新之石壁磚蓋望如雪洞然門豎一大石函堅木於中啟閉則上下其板內外隔絕藏閉深邃爲樓於巔而

眺望焉於是縣之奇峰激湍皆若獻巧於前百姓苦樂之狀風花魚鳥之適又以助政理而動幽思蓋所費不過數十金民爭趨之不日而竣辛丑夏六月雲開司理翠巖黃洪毘氏以吏事登堂少洲君令執役者閉門而入日中秉燭周眎四旁無異城郭翠巖子揖而賀曰少洲他日宰天下亦如是庫矣夫民函五常之姓莫不有仁義欲利之心願長人者防之耳過矣哉或前令以三代待人也貪泉不飲鋤金不顧古今能者幾人乃以責諸輿臺其亦未之思也乎夫周禮非周之盛時歟泉貨會計王后世子無敢畧也今於編氓而不知慎何也雖

天下事否而泰盡後飭不極則不反宜興藏府之更殆亦氣數之會也少洲力主之吾張太守默成之雲汀舒侍御規畫而允之三善具而後百餘年之弊改觀焉事之不易成人之不易遇嗚呼繼少洲者可以思矣少洲名惟訥字汝言山東臨朐人其文章治行海內共推者此特眾美中之一耳然義利防關本源澄澈儒者作聖之功實見於此予故僭記其顛末云

鑾駕庫在縣治東偏總鋪後明正統九年建藏貯儀仗嘉靖閒重修萬曆十六年令陳遴璋徙置通真觀道會司東後廢仍建舊所今亦圯

架閣庫與縣庫並建在縣廳西藏貯版籍久廢康熙七年令高標重建

重刊宜興縣舊志卷之二

營建志 廢署 亭館附

都察院 原名書院 在縣治東察院西明宣德八年令章惟澄建為巡撫重臣駐節之所成化元年重修嘉靖間圯今址尚存

東察院在都察院東明初移縣治於此以今縣治為守禦官所洪武十三年革守禦官令趙惟一仍移至今縣治以東隅新縣治為東察院成化元年丞廖桓重整二院 都察院東 院門逕其左右各建牌坊前臨河闢為馬頭可停舟楫宏治十六年巡按御史馮允中檄令王鏊鼎新之楊循吉撰

記

楊循吉察院記曰常鎮蘇松四郡輔京畿居東境天子
歲命憲臣臨治行事所至激揚屬吏翦豪猾問民疾苦
故無常居居之所在大政輒集故非高顯殊特則不足
以容眾而臨治也宜興察院創自國初洪武中棟宇簡
質結構嚴重以歲久益敝腐欹缺疎有司憚其難也或
外塗飾以緩責然非制奸之道宏治癸亥巡按監察御
史柳陽馮公允中奉命至邑顧而咨嗟以爲敝予改爲
古之訓也作其容已乃屬邑令王君鏃議之君度材計
費官帑有縮濟以勸相而後克從事於是盡撤故構作
廳事增崇之凡四尺深廣加一丈有奇拓其基又三丈
有奇中堂燕寢皆次第層列具如法式周垣旣築重門
以竅立其宏規以及其細廊廡庖湏莫不咸秩後爲虛
軒用待逸暇其西室則書吏止焉其墉陰則池亭設焉
蓋及是而居之道爲大備是役也經始於歲之七月逮
十月告成公至自金壇居其中臨蒞有儀遏防克固清
嚴邃麗爲諸邑冠咨美之不足爲弭節久之而去他日
命予書其勞於石用示旌勸或曰宜興山邑也凡宜從
菲而已矣是大不然民惟遠也而不能無怠心怠則難
牧也是固聳之以憲府之觀使民望之而知畏因以守

法無煩於檢約此君所以祇承公命而致力者歟雖然
公則能矣非公啟之功何由成蓋惟不疑而後能任人
公之明也惟不私而後能使人公之孚也且朝庭以賞
罰之柄予公公好善惡惡出於天性其賢且才者得而
用之且陟之夫何容心哉公登成化甲辰進士居內臺
夙以忠鯁聞至是持法務存大體尤著聲望而王君亦
以甲第任今官民牧之美因敢附書以俟後有考云
西察院在縣治西隅嘉靖閒改常豐倉爲之順治初年燬
今址尙存
南察院在縣東南隅茶局之右改府館爲之今改爲城守

備衙門

以上四察院俱
爲上司行署

批驗茶引所在張渚鎮元初設時名茶園提領所至明初
大使項仲實重建易今名洪武閒裁革尋復嘉靖初再革
入本鎮巡司餘基鬻爲民居

稅課局在縣東街明嘉靖閒裁革今爲民居

陰陽學在縣南大街城隍廟西明洪武十七年開設訓術

吳允亨建尋廢萬曆閒惠守元申請復葺今廢

醫學在縣西街明洪武十七年開設永樂元年知縣周賓
令訓科潘彥剛重建正統七年復建尋廢

主簿廳在縣治西今廢

僧會司明洪武十五年於法藏寺開設今廢

道會司明洪武十五年於通真觀開設今廢

迎恩亭在慶源門外高橋南舊名慶源亭正統十三年鼎

建改名迎恩相傳東坡嘗
艤舟於此

丁侯去思碑亭在迎恩亭左萬曆九年令胡旦增建附方

侯重濬張公壩河碑並列於亭

春風亭在縣治內創建年月無考今廢沈暉次袁大尹

詩云主人私淑程夫子亭上春風日蕩然樂地何如隨柳處韶光不減浴沂天窗開萬紫千紅裏

道契三皇五帝前我欲相從坐一月碧桃花底聽鳴弦

陽羨館舊名迎華驛在長橋北岸西隅遵義坊左唐張祐
次荆溪

呈崔明府詩有艤舟陽羨館之句宋紹定初令趙與愨因祐詩乃改驛為

陽羨館今其址鬻為民居

荆溪館在縣西隅明洪武四年令謝德清因西館驛舊址

為之今廢

茶局在縣東南隅南察院左宣德九年令章惟澄建每歲

御茶於此修貢今廢其故址尚存

重刊宜興縣舊志卷之二

營建志 壇廟

社稷壇在縣西門外元時在州治南明洪武三年令謝德清移置今地初為二壇八年詔為一壇北向東西廣二丈五尺南北如之高一尺四寸四分木主二高三尺二寸方四寸五分一縣社之神居右一縣稷之神居左旁列神廚齋房北為宰牲池外繚周垣環蔭巨木每歲春秋二仲月上戊日有司先期齋戒致祭

山川壇合祭風雲雷雨之神在縣南門外元時在州治西南與文廟相隣洪武三年令謝德清移置今地壇南向廣

表與社稷壇同木主三一風雲雷雨之神居中一本縣境內山川之神居右一本縣城隍之神居左神廚齋房牲池與社稷壇同周垣植蔭木每歲春秋二仲月上巳日有司先期齋戒致祭

邑厲壇在縣北門外明洪武三年創立繚以周垣壇之高廣與社稷壇同木牌二俱題本縣境內無祀鬼神每歲春三月清明日秋七月十五日冬十月朔日晡時致祭先三日有司移牒城隍神廟召集鬼靈屆期奉城隍神位於壇正中南向以轄其祭

里社明洪武八年定制每里立社壇耆老歲以春秋二仲月祭本境五土五穀之神今廢

鄉厲明洪武八年定制每里立厲壇耆老歲以春三月清明日秋七月十五日冬十月朔日祭本境無祀鬼神今廢
按里社鄉厲二祀設自明初恩禮至周渥比來鄉村不特廢祀并夷其地而侵漁之申明其禁以廣祀典亦良有司之責

城隍廟在縣治東南二百步舊在縣治西首倉門東宋嘉定間令羅仲舒拓縣圃地益之紹定間令趙與恭鑿城西垣為坊臨通衢洪武初移置今地正統間重修立石坊於前姜洪撰記嘉靖間增建廟後廳房康熙三年邑人周士選等倡捐重修吳振纓撰記每歲春秋仲月合祭于風雲

雷雨山川壇清明中元十月朔主祭邑厲壇有司莅任則以特牲告廟每月朔望行謁

姜洪記曰通天下郡邑廟祀城隍神者感其功在捍禦而宜報之也神爲一縣一邑之屏蔽而以捍禦之功庇其邦之人邦之人不思所以廟祀之則報之之誠安在韓子曰神之所依者惟人人之所事者惟神然神固當廟祀矣又必爲守令者有以倡之于上然後斯民有以從之于下也況宜興之爲屬邑土地人民賦稅甲于他邑凡水旱癘疫之祈禱必賴城隍焉其廟舊在縣西國朝洪武初守禦官楊國興移置于縣之長橋東南二百

步人之奉祀日嚴而神之靈應日著七八十年間廟雖存而兩廡儀門不足以稱民崇祀之誠正統壬戌歲縣令樂安鄒侯旦二令鄱陽李暉相與謁廟顧而嘆曰凡祀城隍必在深巖欲致深巖又在長民者有以舉之也于是退而倡諸邑人捐貲重新廟庭肖神像于中增兩廡儀門三門垣四周加丹堊藻繪其壁有渠橫過又梁其上而亭覆之斲石柱爲牌坊臨通衢其廟勢覃覃然巖巖然足揭虔妥靈其耄耄髻稚來觀者亦無不顧瞻起敬焉先是廟未修歲或旱潦疫癘自二侯之爲此兩鳴隨禱而應疫癘不作五穀六畜繁茂肥大人愈給足

無事迺來屬文以記其成夫治民事神實令佐所當爲者然必其人讀書明于義理而後能盡其道今二侯皆有學有行則其爲此宜無難矣

宜興縣土地祠在縣治內儀門東洪武初建奉祀本縣土地之神嘉靖閒重修萬曆十五年令陳遴瑋重建列於迎賓館東

內關帝廟在北城內背城臨衢南向康熙二十五年奉文創建

外關帝廟在北門外城河之北明萬曆戊寅邑令丁懋建創建徐顯卿撰文萬曆戊午萬明詔重修康熙甲寅邑令

黃錫朋重修

按內廟未建之前有司春秋二仲月上戊致祭及朔望行香俱在外廟及內廟既建後有司朔望行香在內廟而春秋戊祭仍在外廟

徐顯卿碑記略曰漢前將軍關蓋切而崇祀稱王云關王祠滿天下其在宜興者漫不可跡萬曆初年道士匡永嫻於北門外渡濠折而西敕庀材初建焉雖鉅衍繪聖有埃將來而巉巉亭亭廟貌森嚴過瞻惕邀宜樹穹碑會予卜居陽羨山人羅雙湖屬其子一鰲請文付勒嗟乎予於是徵神道邇也自古忠孝義烈生爲名臣沒有生氣何代蔑有獨王精爽充天地閒所在香火伏臘

其物而輝赫殆甚於生彌久彌烈當王之生存匪知有
操若權知昭烈而已匪私左右昭烈知漢而已此其天
性固然獨任綱常之重死生以之互千古一人可謂爭
光日月者非耶或曰茲邑蕞爾僻在湖濱不足以辱王
之從者則奈何是不然茲邑周孝侯斬蛟射虎處也又
岳武穆嘗駐兵廟貌在焉以王之忠勇設與二公者同
時甯無相遇中原囊韃鞭弭之約況王之靈降陟於風
雲杳渺之間若水之在地又何弗至而況茲邑哉余既
撰說復系楚聲三闋付巫陽侑神焉其辭曰

天門窅兮覩而瞰紛燦雲兮不了了震澤兮波瀾采采

兮蘭馥銅官上兮今天半若有象兮蟠蜿霞辰兮日焯
焯不可度兮矧敢言救羣靈兮清路提青龍兮赤兔驚

橫四海兮神怒右迎神

四海兮焉窮一怒兮眾荷時龢兮穀登不忠孝兮無那
雷訇兮電矚羣執兮顯戮天霽兮風清纛赤兮袍綠神
之假兮上下倏而徐兮忽而趣左仿佛兮孝侯右恂恍
兮武穆垂深兮不及夕霞兮落勇優其慨兮告予精白
兮凶渝不得問兮難再值中心勗兮神之貽右降神

翩其來兮聯而遡排兜率兮謁帝矯旒兮干嵯峨摩蒼
蒼兮藉堊神之覲兮款而舉迺張師兮從蜀主按陰陽

三才圖會卷之二
三
今御元氣睇六合兮芥細大明作兮悠久中外輯兮岡
譁卸神之錫兮民物阜

右送神

袁府君廟在宜興縣治西南隅北向祀漢陽羨令袁玘宋
皇祐三年以雨應禱虞大熙作祠銘紹聖間令王梁材增
葺之邑人單子發序其事政和初賜廟額果利紹興九年
賜爵嘉惠侯洪武初詔去舊號題木主曰漢陽羨長袁公
之神正統間令鄒旦重修仍塑像崇祀訓導危山撰記

危山記曰聖王之制祀典也能禦大災則祀之能捍大
患則祀之其祀之者所以報其功也彼有捍禦之功而
國家不知報之惡在其為重祀典乎宜興廟祀袁府君
有由然矣君諱玘生為東會稽人後漢時為陽羨令陽
羨即今宜興也君之政績他無考舊時譜牒載君為令
始創長橋逆知水旱故民感其惠及沒而民立廟祀焉
當廟祀後凡水旱癘疫請禱屢應宋政和元年有司上
其事賜廟額曰果利紹興九年封嘉惠侯命有司春秋
仲月致祭國朝因之祀事孔嚴邑民商旅往來祈祀于
廟者晨昏絡繹正統戊辰廟遭回祿縣令樂安鄒侯旦
欲新之顧歲歉民貧而事有未宜明年己巳歲稍熟與
二尹鄱陽李侯暉上虞竺侯龠判簿新城王侯耿幕賓
樂平朱侯輝同寅協恭資捐于己力借于民于是作正

廟兩廡及儀門大小凡二十楹且肖君像于中繪故事于廡仍題額曰漢陽羨令袁公之祠其以府君稱廟者又邑人之常稱也既又作齋房十楹于後命方士吳士芳住守以奉祀事侯方倡之而民皆樂就其功未朞年而告成已而士芳請曰是廟缺經理幾代矣今幸一新願記刻石以垂永久可也夫橋梁之修王政之一事水旱之憂為政之大本修橋梁則民不病涉知水旱則民有所備袁君令于此而盡于此及沒而又昭靈應于此則事合民心順天理禦災捍患宜其廟食茲土而無愧于先王之祀典也雖然前者後之鑒袁君生為正人沒為正神固有功于斯邑矣鄒李僚佐為之重構廟宇若是凡水旱懇懇焉請禱于是其亦心袁君之心政袁君之政而有功于神人者矣宜書之以為後人鑒云

周孝侯廟在縣治東南隅北向祀晉平西將軍周孝侯處陸機為譏碑文王羲之書其碑摹始末詳古蹟志中宋紹興七年勅賜廟額曰英烈十年封忠義侯後又封忠武公父魴封積慶公妻盛氏封慈祐夫人四子靖肖靈公玘肖武公札肖義公碩肖勇公明洪武初詔去舊號題其木主曰晉平西將軍周孝侯之神有司歲以春秋二仲月致祭門廡閒列古今碑碣凡二十六座歷代及今修葺不一

重刊皇朝通志卷之二
記于後唐徐錯一記于宋沃彥蕭德藻一記于明正統間
趙琬至嘉靖間道人史普海募貲創建前殿改立石柱兩
廡寢室並加修葺萬士和撰記

國朝康熙年間重修

萬士和記曰吾邑周孝侯廟創自晉人蓋舉以死勤事
禦災捍患之典也厥後屢圯屢修或出于公或出于私
若宋董純儒沈德遠之再新侯廟其始蓋形之夢寐間
豈侯精神之感召因如此哉今道人史普海朱明恩者
止因初發一念遂不可遏然易石柱且木植磚甃務爲
堅久工鉅而力不貲普海至以身繫鐵索不能償所負

商賈久之而始完其勤如此余目擊其事感而嘆曰陽
羨溪山洞壑勝甲東吳然人物之魁奇瓌瑋者上下數
千年閒寥寥然一孝侯而已侯少時任俠斲弛不就繩
墨一旦因父老之言洗刷舊習挺身與猛蛟惡獸戰于
深山大澤之中搏而除之自古改過之勇其有如侯者
乎及其師事二陸學問過之歷官漢荆忠信明斷人心
歸附入爲中丞按梁王彤不法遡侯平日所爲心地洞
達無纖芥私曲蓋其氣剛勁果決不但媿媿閃縮之態
不作于心卽覺知思慮之用或當機而回護或應物而
有遷侯一無是焉此勇者至道之效也侯之表見千古

感召人心者其在茲與至於臨陣死戰非侯之所難也
余嘗謂人心之靈意之所動鬼神得而知之匹夫匹婦
得而知之有不可掩者侯平生心事大與關雲長相類
二公死後人咸傳其爲神雲長之靈遍有顯應而侯之
保祐吾邑者不一而足此其事近迂然千萬人之所向
慕者卽神之所在也二公強直壯勇之氣鬼神知之匹
夫匹婦知之語曰千人所指無病而死聚億兆之精神
于一人而曰無感召者無是理也然因感召而尊侯則
其知侯也淺因精神而得侯則其知侯也深故普海之
發念不過修侯之廟貌而我輩之發念直欲追侯之爲

人彼之過而不改也改而不勇也心術之邪曲回護也
與人不信而臨事不忠也持此以追侯之爲人遠矣而
我輩往往自蹈此弊無勇敢直前之氣則是普海知侯
之淺者以身繫鐵索期于必成我輩知侯之深者竟不
能奮迅激昂以期于有成也此其志與普海何如哉嗚
呼以陽羨之勝上下數千年而寥寥惟一孝侯吾輩可
以愧故記之以志吾感

岳忠武王廟在周廟西南向宋建炎間忠武自桐川提兵
來平巨盜郭吉邑人德之爲立生祠塑像于英烈廟淳熙
八年郡守章沖易以袞冕嘉定間王裔孫珂守嘉禾屬令

戴稱卜徙今地歷元迄今歲久額毀遂訛岳爲嶽而像設東嶽之神宏治九年胡連白其事令陳策復之增葺堂廡繪塑其像徐溥爲記

徐溥記曰宋建炎閒值金人南侵攻常州羣盜四掠宜興皆爲所蹂躪時岳鄂王方提兵抗禦邑令迎王移屯其地兵出屢捷遂保無事避地者亦賴以免邑人圖像祀之學錄周端朝實爲之記歷歲既久人習稱嶽廟因訛傳爲東嶽之神歲時男女雜糅求福於是蓋廟記既亡而王出兵時手書紀功小碑後築城復置之亂石閒莫有知王之功者近世士大夫稍知之欲正其繆妄而

小碑亦以城圯而出雖殘缺不完尙可考信蓋王之功當不可泯也令武陵陳君重修其廟而仍刻端朝記於石陳君報功之心其卽宋令戴君之心也乎刻成余故書其事于後記云王設方略降馬舉惛林聚而史則云盜郭吉遁入湖王遣辯士馬舉林聚盡降其眾事不同豈舉聚既降而後遣之耶俟考

國朝順治初年大殿圯道士王啟元閔啟隆募建康熙八年二尹岳維城係王後裔竭力捐募殿以落成
火神廟在岳忠武廟旁天啟閒道士周文英周文嘉於老君堂遺址募建山門正殿榜曰南星宮

山亭侯廟在五賢區祀漢山亭侯蔣澄漢永平元年建唐
天寶十五年御史蔣晁重建齊光義撰碑宋紹聖三年學
士蔣之奇重建明萬曆元年蔣祐奉敕重建每歲春秋仲
月上戊委官致祭明末兵燬

衛將軍廟在宜興縣治東二十五步祀唐衛遯許渾嘗題
詩有敘明洪武閒廟僧徒將軍像改爲華光廟宏治元年
邑人胡連白憲司復之後僧又滅將軍像仍額華光廟辛
酉晉江王鏐來知縣事邑人以告盡斥僧徒令道士劉克
誠主之反正廟名邑人杭濟撰碑記

杭濟記曰維我義興有唐鉅臣曰衛將軍遯少習劔武

長遊并汾學明義道高祖起晉陽將軍仗策從之出入
陣伍前突後擊征竇建德有功太祖拜將軍宿衛旣而
上疏乞歸養卒以孝敬睦閭門忠信居鄉里邑人懷其
賢立廟祀之唐史失其傳惟許渾有詩及序頗記其事
廟在縣治東二十有五步舊有碑誌久滅亡今郡國志
具載之洪武時廟附淫祀廟僧利其善幻惑人遂徒將
軍像宏治戊申邑人知州胡連白憲司交牒命復之厥
後屢廢屢復庚申僧遂滅像毀額專崇淫祀適大令晉
江王君鏐始政邑之士人奔走祇告令乃蹙然起諭于
眾曰惟僧畔神若是詎可以守祠乃命盡斥其黨特令

道士劉克誠主祠事黜滅淫祀反正廟名像塑額顏煥
然具整殿廡庭垣悉戒潔除毗士賀怵郭道填溢令可
謂祇力于神也至矣遺廟百年蹶而復振固大善足以
鼓動百世抑亦天意祐善自不薄耶訖事令來請予記
石子賢大令之善善而樂忠孝之弗泯遂爲記其事云
許渾題衛將軍廟詩并敘將軍名逖陽羨人少習詩書
學弓劍有武略年二十七遊并汾閒遇神堯皇帝始建
義旗逖以勇藝進備行列洎擒竇建德逖時挾鎗劍前
突後翼太宗奇之錄功拜將軍宿衛以母老乞侍養詔
許之旣而以孝敬睦閭門以然諾居鄉里及卒邑人懷

其賢立廟於荆溪之湄以弓甲懸東西廡下歲時祀之
因題詩廟壁詩曰武牢關下護神旗挾槩彎弧馬上飛
漢業未興王霸在秦兵纔散魯連歸墳穿大澤埋金甲
廟枕長流掛鐵衣欲弔忠魂何處問葦花楓葉雨霏霏
二忠祠卽舊衛將軍廟改建正德甲戌邑令泰和鍾卿密
奉部檄增入本邑吳尚書雲並祀於衛將軍之廟改額爲
二忠祠少師徐謙齋鈔吳尚書忠節錄一卷李東陽爲之
序

李東陽序云公宜興人明洪武初累官刑部尙書出爲
湖廣行省參政時元梁王據雲南未下高皇帝命公往

諭會梁王使其臣鐵知院等二十餘人使漠北爲我軍所獲上歸之令與公偕行至雲南境鐵知院等說公改制書共給梁王梁王亦遣人來劫降令易服以見公仗義直辭以死自誓遂遇害梁王命收其骸送四川給孤寺藏之先是金華王忠文公禕奉命往使不屈而死距公死方二歲耳後雲南入版圖朝廷始知公死狀及公子黻以事來白乃命馳驛歸葬而詔黻爲國子生黻貧不能歸葬公于武昌舊治因占籍長子縣今闕再世矣宏治初李尙寶應禎使湖訪公墓不可得乃爲傳以傳之比都御史王公詔巡撫雲南聞公事謂忠文在正統

間已贈官賜諡建忠節祠於其地而公事獨未著爲請于朝今上復贈公刑部尙書諡忠節與忠文並祀其祠額爲二忠茲先生所錄者其始末略備矣方黻葬公時大夫士賦忠節詩爲卷并其誥命遺書皆燬于火潘子安海天青嘯集有詩一章劉職子高集四章則爲公作者故并錄之而凡書奏公移及續有賦者皆附焉惟我國朝以綱常立天下而以風節勵之於勤事死節之臣必有褒恤之制雖先朝所未及知所未暇行者亦舉而行之不以其人已遠時已久而或置意周而法密矣雲南遠在萬里外而其名蹟顯著歷百年如一日英廟之

恤恩今上之秩祀蓋推高皇帝蔭子反葬之意而推行之者也嗟夫時變境易兵革擾攘之餘雖闕庭畿甸之下節義之沈沒者多矣況其他乎金華文獻在國初極盛故忠文最著公之名雖前輩所重然非文足以輕重一世言足以榮辱天下如先生者則其事終不白而恤典未必行也崇德報功之柄固係于國論如此哉東陽觀國史知公名又從先生獲睹茲錄因題其後

關帝行宮在和橋上塘南首明萬曆三十三年建

蘇東坡祠在蜀山祀宋蘇文忠軾公嘗愛宜興溪山之勝卜築於此歲久其址買入金陵保甯寺遂爲寺之別墅後

寺僧敏機仍作草堂以存舊蹟徐一夔記明宏治間邑人沈暉白其事于撫按令王鏊躬訪遺址贖而還之爲建祠名東坡書院李東陽撰記萬曆元年巡撫張佳胤檄令韓容重修堂宇額象俱鼎新之

國朝康熙戊申署府判事熊坊重修邑人周啟騫記

李東陽記常州宜興之荆溪有蜀山本獨山也志稱文忠與學士蔣之奇同舉進士買田卜築于山麓於是易獨爲蜀按爾雅山獨者蜀志又稱愛其名而居之理則然也公嘗欲作亭種橘預名曰楚頌後上表乞居常及歸自嶺南卒于州邸其弟文定公以喪去葬于潁上其

家亦不復至常當是時蓋有所謂東坡書院者尋輒廢
越七十年郡守晁子健擇地學旁建祠祀公元僧敏機
因山爲祠爲之居守晁公武徐一夔皆有記今常州祠
尙存而蜀山祠廢已久明宏治庚申縣人沈暉自南京
工部侍郎致仕歸以告巡撫都御史彭公禮巡按御史
王君憲暨知府連君盛知縣王君錄僉議旣協錄躬訪
遺址悉爲民所據贖而歸之得地三十餘畝一時好義
者爭割田山捐金帛以益之士人吳綸輩鳩材督工國
子生王永實相其役經始于辛酉之四月至十二月而
成爲堂六楹肖公像其中寢稱之爲左右二亭一刻公

楚頌帖及諸詩詞一刻興造之碑東西廡及門各四楹
廳館庖湑諸室爲楹者以十數其外則甃石爲周垣者
百二十丈視州祠深廣略稱而偉麗過之旣而用表忠
觀故事命道士謝允昂居之歲奉祀焉夫天下之論名
臣碩輔者或原于獄降或歸之地靈文章氣節亦以爲
江山之助固也及乎遐陬僻壤一邱一壑或有所憑藉
亦足以不朽于世是所謂人與地者恆相須以顯而不
能不相爲重輕若君子去父母之國則遲遲其行在他
國則觸物感事懷思顧戀而不能已是蓋存乎人而物
不與焉會稽之東山以謝傳名其在金陵亦築土以象

之天下之爲東山者何限而非其人莫之名也公之自蜀之洛隱然動京師父子兄弟之名遂擅天下則公乃天下之人俗傳三蘇生而眉山之草木皆枯者妄也及其流離貶竄不能歸其鄉卜居茲山托名以寄意穎之山名曰峨眉者亦此義耳後雖其體魄在穎而魂氣之無不之者安知其不徘徊眷戀于此山也耶且公所謂不待生而存不隨死而亡者將流行充塞於天地間而況其經過流寓之地哉公之文章氣節天下莫不尊之是雖不得與天下之祭揆諸鄉先生社祭之義有過而無不及獨山之爲蜀也其社之類乎然則是祠之設固

耆民俊士衣冠俎豆所宜周旋而傾注者也夫使文章不如公氣節不如公則蜀之王萬亦嘗榜鄭邸爲蜀舍而朱俊民劉跂爲之記銘然亦不顯東陽楚人而燕產嘗因贈太師徐文靖公之約買田茲鄉而遠罹家難竟莫之遂工部以其蹟頗相類而不知其文之弗稱也請爲記祠事之成予於是亦誠有感焉因用楚語作迎送神詞其亦橘頌之遺意也夫其詞曰橘之樹兮如蓬鬱青葱兮閔玲瓏彼亭兮在中信吳邦兮楚風橘之樹兮如蓋采芳鮮兮薦肥脆我公兮來歸神降陟兮如在公之樹兮荒萊公之亭兮但空苔植我樹兮構我亭望游

魂兮歸來公歸來兮恍不可見渺惆悵兮悠哉荆之土
兮如酥荆之米兮如珠山有茶兮溪有魚生不足兮沒
有餘公去此兮何居楚之調兮歛歔蜀之山兮盤紆神
往復兮無定所聊爲此兮踟躕生不爲世所容兮沒將
恣其所如鑿余井而得泉兮又安窮其所於亭常存兮
樹常實持以薦公公願以少駐乎公車

三賢祠一名崇儒書院在宜興縣治東萬曆間郡伯歐陽
東鳳邑令王以甯建祀宋唐少秘明周紀善萬學博三先
生吳達可記

侍御吳達可記曰會稽咸所王侯之莅吾邑也政行舉
課績成思以文教風起闔邑無如崇祀先賢而郡侯歐
陽公方修復龍城院宇列晉陵先哲登之俎豆偕郡邑
同志輩闡明正學其風化一新之會乎于是邑之官紳
及青衿士僉謂萬文恭先師既有專祠爰考先賢之宜
祀者得三人焉宋唐彥思先生明周道通先生萬古齋
先生也祠成之日巡察馬公侯代茲境額其扁曰景賢
堂適予觀風江右得代旋里王侯謂不可無一言以記
其事予何敢辭謹按唐彥思先生去世頗遠嘉言懿行
無可考見惟于程氏遺書中反覆問答大都得其概焉
道通周先生篤實醇謹恂恂性成省身克己孜孜問學

師事文成一聞良知之說晨夕體會精思力行故其師稱之曰篤信好學云古齋萬先生剛方嚴峻孝弟裊躬而尤尊朱晦翁氏生平自淑與所以淑人課子者蹈繩踐矩尺寸不踰宜其發祥賢嗣而後先輝映也三先生之行略可述者以此竊有感焉從心所欲不踰矩尼父道學之正派也言隨心所欲不遺乎矩中庸首末二章子思子道學之宗傳也言性命而繼之以修道之教言無聲無臭而先之以衣錦尚絅我聖祖御製一書譚心論性豈不超軼宋儒之上而制科範士必曰程朱聖賢維世立教意良深遠予竊觀近世學士家之論學者類

樂超脫惡拘檢藉口無善無惡之旨以恣肆其行識者譏焉乃矯其說者則曰務宗程朱黜異學藉令程朱之訓反躬實踐卽悟境未入豈不賢于倡狂放逸之流哉而以正學之名爲賈譽之地翻令濂洛關閩之傳脫略於躬修踐履之際則亦肆然無忌者等耳故志真然後可以論見見定然後可以言學質有敏鈍悟有遲速而學無真志則難以言學矣三先生或師事伊川或師事東越或私淑紫陽師傳異也或從大學論孟入門或從致良知入門或從居敬窮理入門宗旨殊也然其省躬力踐念念修真絕無粉飾覆護之態豈有異哉所以爲

吾宜先輩典型也自三先生倡道荆南而流風餘韻三
吳俗尚至今語真樸者必以陽羨爲稱首余自垂髫時
本生考元圃翁每命侍文恭孚齋兩先生側見其言論
風範真意溢出確有古先輩切琢規模年來歸卧山中
追惟父師遺教兢兢以自訟日省爲功課人或少余悟
道之未徹而余深愧真修之未能也茲因王侯崇儒之
請而嘉之而猶慮夫矜飾易生真志難立陽收其名陰
背其實有負王侯風勵之意且孤先哲垂訓之心豈非
不佞與諸同志者責歟謹書之以俟後日考證

盧忠肅公祠在邑東水關南十餘步北向康熙二十六年

各憲題請奉

詔建特祠

張公祠在東廟巷附邑城隍廟後祀常鎮兵備道張公鍵

康熙丁酉年建

徐義莊祠在邑南門外臨泮溪祀明贈太師文靖徐公溥

明宏治十一年建

胡憲言撰記曰事有涉于彝倫關於風教者必銘鼎彝
勒金石以侈其美所以昭示天下後世使知趨向也程
子曰萬物本乎天人本乎祖故族屬雖有期功袒免親
疎之殺然以祖宗視之則本支百世均爲子孫固無親

疎也三代盛時以井田養民以比閭族黨聯民以學校
三物之典教民凡羣居類聚者非必有昆弟之親宗族
之愛然患難相恤死喪相助喜相慶而戚相憂小而五
家之比大而萬二千五百家之鄉其情皆如骨肉之親
厚且篤也及乎後世法弛教失雖同宗共出之人乖離
渙散而不相合貧也而或凌之患難也而或乘之死喪
也而或棄之于倫理大壞而不可振先王良法美意
至是蕩無存矣吾邑謙齋徐先生以殿最發軔仕至三
公存心近古深惡世俗不以根本爲重視同姓如路人
不相顧恤其先公內翰封君嘗欲做范希文義田爲睦

族法未就而卒遂遵其遺訓置田若干頃構屋若干楹
于東溪之澗名爲義莊歲儲所入量視族人所乏而周
之嫁娶者有助疾病者有資守節者加厚焉尊卑喪葬
賻有厚薄之差科貢聽選贖有輕重之別遴選幹局明
強者司其出納之數又闢塾延師教育子姓其師取其
行而文其教各隨其材質修譜牒以明其本時燕會以
維其心歲有贏餘增益其產頒列條約品式備具睦族
之法可謂得其道矣文正公之盛事不圖復見于今日
也愚切以爲天下之俗固非一人一族之所能變然天
下者一人一族之積也居今之世莫不有族使有族之

人皆知相親相輔歲時爲酒食以洽其歡胥告戒以匡其失賙恤資助以全其生是雖未行比閭族黨之法而先王之法意實行乎其中矣如是則不遺其親而根本之義明天下幾何而不洽乎先生相天下民具爾瞻其睦族之法固不止于一家而將及乎天下也觀其疏其事於朝可以識其意矣夫繼父之志而成其事者孝也彰君之賜而爲義舉者忠也贍給族人而周其惠者仁也一事而三美具在是不可以無傳其他豐功偉烈采之太史固非晚學敢僭及者姑記義莊一事以勵俗云萬履菴祠在西城法藏寺西二十步祀明尙書贈少保文

恭萬公士和萬厯間建

唐鶴徵撰記曰自孟氏願學孔子之說行學之弊也久矣非孟氏之弊也襲孟氏之口脛者弊之也上智之資世豈常有學亦得其資之所近極其力之所抵焉耳不就其資之所近不究其力之所抵而妄意于聖人皆自欺也世之學者不就其資之所近不究其力之所抵豈非謂其偏曲而不睹聖人之全哉荆溪萬履菴先生生而純粹淡然無欲少習于其尊人古齋先生履繩蹈墨罔越纖毫長復遊于荆川府君之門首析義利之辨其學一就乎資之所近力之所抵視世之敢爲高論而不

顧喜爲詭行而不恥者戒之如探湯遠之如燎火其所
論萬物一體之學本之無我見于蔣道林先生祠記者
皆其精思實踐之所自致蓋雖游乎知巧獲利之場而
不解當乎紛華波蕩之衝而不染也誠有由由與之偕
而不自失者始進而讀書中秘遽請之部旣而又請之
南不謂之不卑小官不可也久之而總憲江右于時分
宜柄國仕者爭求官其鄉有給諫者爲求要地不知先
生之久抵江右也懸論先生赴瓜之後期而去之先生
欣然以歸狎所故侶尋所故遊樂而忘倦其何怨何憫
乎新鄭起又去之江陵起又去之士師之三黜何加焉

當其時雖庸夫豎子莫不信先生之言如其心行如其
言嘖嘖嘆服蓋棺二十餘年嚮者愈切慕者愈廣一時
來官者與其鄉之學士大夫博士弟子俎豆之思不謀
而同真有鄙寬薄敦之風嗚呼是豈可以倖致哉先生
自嶺南歸顧謂鶴徵曰余在嶺南時閒嘗讀蘇長公孤
月此心明之句而恍然見本來也然則由先生之道而
不已又烏知其不進于大成哉鶴徵將與聞先生之風
者共擇去取故記其說于麗牲之石

曹雲山祠在西門大街祀尙書贈少保曹公三暘萬曆四
十八年建

節孝祠舊在周孝侯廟側創建年代無考今移建在南門外

三魁廟在周孝侯廟東廡祀魁宿之神宋熙甯五年邑人

邵材試開封第一邵剛試禮部第一余中廷試第一哀然

三魁甲於天下令趙與恭榮其事為建三魁廟今廢

三夫人廟俗名三姑廟在蜀山東祀烈女之神詳見軼聞又一在柯

城沙子口云為湖神舟行者多祀之

許太尉廟祀漢許武孫毓今廢許廟有碑歲久多磨滅唐元和中許氏諸孫重立碑

陰題八字曰談馬礪畢王田數七人莫能曉邑令徐延休一見解云談馬乃言午即許字礪畢即碑字王田乃千里即重字數七乃六一即立字謂許碑重立也人服其慧

永清侯祠在周廟西廡唐大中時襄州判官王士澄刊其

事於石云神有祠在房州永清縣令嘗夢神告日子義興

人大父周子隱予受上帝命於均商房金四郡捕鷲獸人

為立祠號曰虎神以其為孝侯孫故附祀於廟 又康熙

十有一年宜興守備張國威以南山多虎患入山手殲六

虎後一虎猛甚從叢篠躍出未及防遂為所害民德之因

附祀於永清廟今並廢

廣惠行祠祀漢張渤俗稱張王殿明鍾卿密碑云其先名秉

漢神雀三年二月十一日能役陰兵治水土在邑開聖瀆有功民多祀報之境內祠宇頗多一在

縣西門外元大德丁酉邑人吳澄建明正德甲戌縣丞李

廷珪修 國朝康熙甲子道士錢慎行蔣玉垣募修大殿

重建大觀樓

按宜令趙錫禮毀邑內淫祠數十所特表陳安張子慶二人為設主張王廟之兩廡又捐田四畝以供祭祀於春秋戊日遣官分獻西建迎秀閣奉文武曲神像東建錫祚閣奉

張仙神像一在胥村有單子發撰碑一在郵堂一在覺

了一在擁村一在張渚西南一里名承福殿元大德閒

里人周嗣叔后叔建一在湖汶一在鳳川一在潼渚名

靈山殿邑人蔣應震撰碑一在昌福其廟祀之多答其

開聖瀆之功也凡各鄉每於二月八日祭禱屢有靈應

西津廟在縣西百步祀吳戡螺婦之神今廢

謝將軍廟舊傳在綠水岸將軍劉宋人軼其名南郭外二

里許有謝墩

虞穎詩云虛名但有孤墳在勇節遠隨古廟空

廟今廢

泉山廟在湖汶鎮東二里舊傳神姓潘氏兄弟三人遊北

山指一草云此可為茶烹之信然人以為神為立廟又一

名青口廟在湖汶山中

東嶽行祠一在西門外面西沈明萬歷七年建曹司勳撰

文一在縣西九十里一在邵墅蕩道人吳因德重修一在

成任區亭村明萬歷三十七年里人陳一經建邑人湯兆

京記

伍賢祠

又名伍相公祠

在縣西九里舊傳伍子胥去楚適吳駐跡

於此因祀之

忠烈行祠在縣西北姚村祀漢秣陵尉蔣子文嘗逐寇至
宜興後死於蔣山因祀之

隋陳司徒行祠名烈帝廟在縣北三里大聖院西明時建
至 國朝康熙三年里人莫廷鶴同僧明清重建

李侯祠在縣周孝侯廟之右搜神記云侯姓李名祿長興
童莊人沒而為神每有靈跡宋寶慶間有司列狀諸路州

縣祀之又一在瓦窰一在凰川

附各廟基址

按秩祀國之大典其各廟基址土田咸出於官所以示
尊崇之意故掌守者不得鬻諸人而便近者不得攘諸

已比來私相貿易相習為奸萬歷十七年縣令陳遊璋
特令清查併在城僧道會司寺觀及附郭庵院凡一十
二區繪為圖冊將前後侵廢基屋詳註其下鈐印貯庫
俾近售者或有悔心將來者永為法戒因據現在基址

摘其槩於左

關帝廟

原額舊基元字一百號六分三釐乾隆四十五年重建
擴充基現額元字一百十四號平二分四釐四毫六絲
一百十五號三釐三毫現有山門殿宇
寢樓共計屋十六間旁屋二十一間

城隍廟

原額基址一十五畝六分二釐五毫入絲一忽現額黃
字號基地平一十七畝九分一釐七毫三絲南止育嬰

堂北止東廟巷街西止路祠東止儲宦房屋現有儀門殿宇廊房寢樓共計屋一百三十三間

袁府君廟

舊額基址五畝八分四釐八毫增額天字號平一分五釐二毫北止西廟巷街南止白菓巷西止城牆東止各姓民房見有山門殿宇等房共計九十二間

周孝侯廟

舊額基址六畝四分現額黃字號平一畝一分釐東止民房南止墓西止民房北止街見有山門殿宇等房共計四十九間嘗詣其地閣碑刻王文恪公記邵賢附誌娛晚堂捨入周廟為道士奉神修真之所今鞠為蔬圃覽者有今昔之感

岳忠武王廟

原額基址六畝一分現額黃字號平五畝四分有零見有山門殿宇等房共計屋一間

岳纘忠侯祠

現額夜字號基地五分六釐六毫見有祠屋十間

火神廟

現額黃字號基地一畝一分見有山門殿宇等房共計屋三十七間

盧忠肅公祠

現額基址黃字號平一畝一分見有儀門祠宇等房共計屋三十六間

二忠祠

現額基址元字號平一畝六分九釐

禹廟在北崑山
龍神廟在神安區土城社順治間倡建乾隆己亥里人捐
修旁設僧舍以奉香火蔣雲車撰記
延陵季子祠在從四區員沼村康熙三十年後裔吳珩等
請建乾隆四十九年後裔吳時敏等增建五楹附以廊垣
張衢撰記
祠山神廟在縣西北境俗稱分莊廟一在莊頭乾隆乙巳
重建孫邦憲撰記
山亭侯廟在清東廟橋鎮

補遺

禹廟在北崑山

龍神廟在神安區土城社順治間倡建乾隆己亥里人捐
修旁設僧舍以奉香火蔣雲車撰記

延陵季子祠在從四區員沼村康熙三十年後裔吳珩等
請建乾隆四十九年後裔吳時敏等增建五楹附以廊垣
張衢撰記

祠山神廟在縣西北境俗稱分莊廟一在莊頭乾隆乙巳
重建孫邦憲撰記

山亭侯廟在清東廟橋鎮

重刊宜興縣志 卷二 一
袁府君廟在殷莊明嘉靖間里人吳洪建萬曆二十八年
錢有光等重修康熙四十五年吳洪族孫文錦重修并重
刻洪所撰碑記

關帝廟在豐義村建自前明乾隆間里人捐修儲掌文撰
記

三忠閣在孝感墩側祀周孝侯姚忠毅盧忠肅康熙間里
人盧珍璵等倡建魯純撰記

七賢祠在嘯莊里祀晉義興太守謝泉並祀謝宗三謝惠
謝顥謝表謝三錫謝遴乾隆丁巳年建後裔庭瑜撰記

蘇文忠公祠在蜀山鎮乾隆間里人陳駿因書院學舍狹

隘擴其旁隙地爲祠邑人史崧撰記

孝潔先生祠在大人巷祀明贈左都御史陳公一經天啟
間建 國朝康熙二十九年重修

重刊宜興縣志卷之二

營建志 坊表

崇禮坊	舊在荆溪南	遵義坊	舊在荆溪南右	仁德坊	舊在稅務前	毓秀坊	舊在稅務前
坊	舊在昭德坊	蛟川坊	舊在荆溪北左	荆溪坊	舊在毓秀坊西	澄	
清坊	舊在察院前	英烈坊		承流坊	在長橋南	尊賢坊	
樂善坊	為吳淑立	柱國坊		師傅坊	上二坊為大學士徐溥立	世科坊	雙
桂坊	為張邦祥立	科第坊	舊在儒學前	進士坊	一為通邑進士	李	
雲立	一為邵暉立	文銓坊	為邵賢立	司諫坊	為芮穡立	書錦	
杭濟立	一為王纓立	傳芳坊	為胡孝立	登第坊	一為宗	為	
坊	為蔣守書榮坊	為黃澤立	為胡申立	登第坊	一為宗	為	
立	一為王懋立	擢英坊	為施敬立	梯雲坊	為尹冠立	英坊	
王懋立		擢英坊	為施敬立	梯雲坊	為尹冠立	英坊	
		擢英坊	為施敬立	梯雲坊	為尹冠立	英坊	
		擢英坊	為施敬立	梯雲坊	為尹冠立	英坊	

符僉憲坊 繡衣坊 上二坊舊在大街並為吳淑立

已上諸坊俱係改廢

牧愛坊 在縣治前 糾察百官坊 在察院街左 撫安萬民坊 在學街東

在察院街右 狀元坊 在學街西 榜眼坊 在學街東 舊名激濁

國太師坊 在長及第坊 在溪 義莊坊 在小東門外里許上 橋南

都憲坊 一在黃瀆為沈暉立 一在芳莊為李震立 一在西廟巷為卜同

立 雙鳳坊 在芳莊為李名應臚傳坊 在祝陵為青宮少保

坊 在大街舊華要坊 在北學士坊 在長橋南東街上 大方

伯坊 在百瀆為大中丞坊 在東廟巷 兄弟亞魁坊 在黃

立 黃簪 金紫聯芳坊 在學前為胡申胡銀臺坊 在梅村為御

史坊 在川埠為繡衣坊 在長橋南東街為陳最立 歲久願

孫夢松捐貲鼎 解元坊 在廟巷 四省文宗坊 在學前

新邑人義之 會魁坊 在長橋西 兄弟進士坊 在學前

立 吳仕立 會魁坊 在長橋西 兄弟進士坊 在學前

立 尚書坊 在大街 父子進士坊 在學前

長橋南西街為吳啟元坊 在琅玕為曹珂立 光啟坊 在琅

達可吳正志立 吳啟元坊 在琅玕為曹珂立 光啟坊 在琅

為曹珂等 青宮法從坊 在大街為科甲傳芳坊 在學前

宗祠立 黃登黃時黃澤黃金 天官坊 在毫村為吏部 文魁坊 在瀆

黃玘黃簪黃體乾立 天官坊 員外尹弼立 文魁坊 在瀆

舉人談會元狀元坊 在學前為節鎮三藩坊 在學前

立 世善立 會元狀元坊 在學前為給諫坊 在學前

立 作朕耳目坊 在學前為給諫坊 在學前

為吳陝州司馬坊 在西墟為鞏昌府 貞節坊 在學前

立 陝州司馬坊 在西墟為鞏昌府 貞節坊 在學前

立一在常富為吳駟妻屠氏立一在長橋西南為邵寶妻
萬氏立一在毫村為陳憲章妻邵氏立一在邑西大樹村
為丁烈妻陳氏立一在彭莊為歐一會妻閔氏立一在西
長圩為王元妻陳氏立一在土干為生員吳焯妻萬氏立
一在柵村為周備妻王氏立一在東廟巷為進士吳夢熊
妻趙氏立一在倉橋南左街為生員史文政妻俞氏立一
在教場西為廩生吳梁妻沈氏立一在十里牌為封御史
湯鍾壽母王氏立一在縣治南街為徐啟鑄妻王氏立
三節坊在學前左首稍南為御史吳達可祖母屠氏御史
鄒元貞女坊在祝陵為邵一貞烈坊在南嶽為徐文吉水
標記在遺隙為潘承雲塢在縣東南五里萬歷三十五年建
亭元妻吳氏建承雲塢在縣東南五里萬歷三十五年建
如其言順治九年重九日有少年攜酒登高失火
延燒屈曲至頂然木燬而磚石尚存其形如故

重刊宜興縣志卷之二

營建志 橋梁

長橋在縣治正南去縣治二十步高二丈七尺長二十五
丈自袁令建設迄今橋雖屢圯屢建而其址未嘗遷改唐
以前修治無考唐代宗永泰乙巳邱令新之後唐甲申義
民吳蒙吳須捐私帑重構逾三十年甲寅越侵南唐燒營
而遁焰飛延橋梁木焚毀著作郎劉令以聞給賜上供錢
成之徐鉉作記勒石

徐鉉長橋記曰昔人作川梁以濟不通舟車所及纒連
棋布若乃形勝傑大名聞天下者亦無幾陽羨其一也

夫英賢之所踵次邑居之所瞻望山川之精粹宅焉里
域之神靈憑焉廢而興之絕而續之豈惟備政足以徼
福是橋也徵之譜牒則後漢時邑令袁君所造國朝永
泰中縣令邱君新之其他無聞焉中興之初有義夫吳
蒙吳須率以私帑備加營構人賴其利越三十載甲寅
歲國步中梗於越寇邑人敗之燒營而遁飛焰旁及橋
梁木摧旣而著作佐郎劉君來爲邑長視其制度知非
民力之所能濟乃狀其事白於有司上聞嘉之詔賜錢
八十萬君信而好古寬而得眾政無不和事無不舉乃
相與敷王澤因民心備物制用程功揆日器利工善材

良事成戊辰歲冬而載明年暮春而畢長五十步廣七
步對縣樓而直出跨荆溪而橫絕丹雘其飾紛偃蹇而
虹舒崇高其勢邈宕堯而山立朱輪方軌駟馬連騎營
營市井憧憧往來有衽席之安無揭厲之患昔者乘輿
濟涉聖人以爲難橋梁不修宣父知其弗能以古方今
勝負判矣書之考績傳載異代庸庸善善其可廢乎刻
之貞珉以示來者

宋景德初復毀三年修建令李若谷經始嗣令賈昌朝竣
工高廣有加於舊越四十年嘉祐戊戌令司馬旦復修之
元豐二年郡丞錢垂範行縣庖舟遺火爇之殆盡四年辛

西令褚理鼎新易之以石名曰忻濟蜀蘇軾過之大書其
榜曰晉平西將軍斬蛟之橋旁書李贊皇長橋詩著其本
末刻石道左崇甯禁錮禍作沈其石于溪水元大定甲子
知州辛思仁重整明天順閭邑丞廖桓增置石欄

以上節王升長

橋考

國朝康熙六年橋西南角圯僧本來募金重修邑人潘瀛
選捐百金助之橋故陡峻本來創爲平級行者便之邑人
周啟舊作記

通利橋俗名西水關橋在縣治西舊以木爲之明正統閭
易石鼎建

廣濟橋卽東水關橋在縣治東南以木爲之明正統閭易
石鼎建成化二十一年令袁道重修

徐溥撰記曰始吾聞台之太平有賢令曰袁君廉平公
恕綽有惠政以憂制去百姓爭乞留之嘗嘆曰使吾宜
興得袁君者爲令縣其治矣乎後三歲縣以闕令告而
君起復居京師適改選吾縣復嘆曰袁君嘗所欲得者
今幸得之縣其治矣乎君旣拜命至則首革二三弊事
民有不率教者更痛懲之縣中肅然已而循眾情立良
法日夜切切求所以保護其民惟恐一毫傷之不數月
民皆晏然以安而縣果治予然後益信君之賢而向之

所聞者不妄也君才具甚優凡所設施不動聲色政事之暇至工役之當興者亦力為之不辭蓋縣之東關舊有橋名廣濟歲久傾圮過者病之前令率因循歲月不以為意君獨謂是橋人出入必由不修將益壞壞則費益多而功益難成其為民病益甚吾既有百里之寄事苟有利於民者當力任其勞不可重為後人累也則以論民民間之相與欣然助役凡得白金若干兩計足用乃以成化二十一年正月十一日工完他日縣父老具其事來求予為記大畧為君之利吾民者不能悉書特欲托此一事俾子孫不忘君之嘉惠耳予素信君之賢

及聞是益為吾邑人喜執筆以記其何敢辭惟昔子產之治鄭也孔子稱其有君子之道四而孟子獨譏其以乘輿濟人為惠而不知為政夫子產有君子之道四可謂賢矣孟子所以譏之者是責備賢者之意也即此而觀亦以見一徒杠輿梁之未成猶足以為賢者之累則治民者未可以其小而忽之蓋亦為政者之一事也夫謂之為政者務大體而不行乎姑息懷永圖而不恤乎謗議所謂窮而不怨者也惟其不怨其為利也久而一時之惠不足言者君既能之其知所以為政者乎然君不獨為此若成任鄉有成塘橋山亭鄉有就安橋皆當

要道而傾圮與廣濟同亦以次修而便於民者益多又嘗以民病西溪之險因其南有古渠浚而通之者凡三十餘里民始得避其險其為利尤不可計此亦工役之可書而皆為政者之事也因併載之君名道字德純吉水人登成化八年進士第其再為縣於此仍歲大熟民益愛之故君得成其事而部使者郡守尤察其無私凡欲有為輒從其請故君得信於民以行其志更二歲政績卓然為江南諸縣最吏部方奏請召還將有不次之擢矣

通津橋 俗名新橋又舊名市橋宋治平間北水關橋 在縣

北舊志缺 紫霞橋 在縣治北北水關之南舊志缺 青龍橋 在縣

已上跨城河

通濟橋 在縣大東門外天順四杜橋 在大東門外酒務後名土橋因邑人王公輔治地得巨木板周布 蔣瀆橋 在西其下相傳為杜牧之水榭故址因稱杜橋 首西隆橋 在西門外渡榔橋 在西隆橋北 運河洪武四年道上橋 周橋 在縣南門外周瀆宋治重建嘉靖四年官給銀重修 南倉橋 在周橋南跨寺瀆宋紹興間令趙與恭再建 熙陽常州通判署縣事 商老建後令趙與恭再建本朝康熊坊再建改名壽山橋 寺橋 瀆 新溪橋 在縣南門外宋統開邑人願 東倉橋 在東門外古縣尉司北 宜民橋 在信中重建 寶慶間縣尉趙汝邁建 通運橋 在古縣尉司教場西 尉趙汝邁建 今廢 橋梁 高橋 名

迎恩橋在縣北壇橋今廢實土為關廟址

已上附郭

義莊橋在徐義莊東舊大水架木為梁未久輒圮文靖公孫中舍封于萬曆十六年捐貲易石重建今廢

蠡濱橋在縣東慶源橋今名象賢橋在縣北三里宋紹定間令趙與慈重建明宏治間令陳

策重建國朝康熙九十里牌橋在縣北十里明洪武初年邑人朱拱泰倡修

年縣令韓容移建去葛墟橋在縣北三十寺莊橋在縣東舊址向南約數十步

里木古竹橋在縣東北黃土橋袁橋邵氏唐門橋在縣橋二石橋東下張橋武二十七年建王婆橋元至正

七有木橋下張橋武二十七年建王婆橋元至正沈家橋首有木橋

橋明宣德八年僧上塘橋明景泰八年方橋元至正明嘉靖初錢墅橋明正德六年唐角橋明嘉靖四橫塘橋

沈行仕建錢墅橋明正德六年唐角橋明嘉靖四橫塘橋

靖四十二下裴橋國朝康熙二泃濱橋在縣北九里明年官銀建下裴橋年陸澄修建泃濱橋崇禎間邵忠亦募資

已上跨開寶區今入開上開下區

湛濱橋在縣北十五里跨湛濱元至元開孫婆橋去湛濱步明隆慶二年陳明文橋在縣北十五里

經等領官銀建工文橋在縣北十五里歸美橋在縣東河一名龜尾橋宋寶慶間承沈次安率坊橋在縣北

邑人建大德間史瓚重建改名斜橋和橋在縣北三橋在縣北胡橋在縣北官路橋在縣東北

定四年永定邵氏建開明橋在保安寺前僧法南塘濱橋正統十年邵俊再建開明橋在保安寺前僧法

在縣北二十年里正德七年邑人堵安建康草堂橋在縣北

康熙十六年里人蔣其燧重建改名繼善橋草堂橋在縣北

康熙二十三年里人蔣其燧重建改名繼善橋草堂橋在縣北

蔣其燧裴顯節同建黃厘橋在縣西北二十里康熙十九

橋梁

三

里人周謙吉蔣學思吳誦芳
 宋嘉熙中建後復建
 明嘉靖六年邑人堵
 霽明旭重建僧宏倫碑記
 明嘉靖二十五年堵
 深瀆橋明嘉靖
 四十三
 霽易木為
 北塘瀆橋
 明嘉靖二十五年堵
 深瀆橋明嘉靖
 四十三
 石重建
 年姚相蔣煥
 領官銀建

己上舊在善計今南入開寶山亭區北入萬二區

新瀆橋 在縣東南 魏瀆橋 在縣東南 大溝橋 在縣東北 尚

覺橋 在縣東北 官莊橋 在縣東北 方橋 在縣東北 陽山前

建 萬石橋 在縣東北 扶風橋 明嘉靖四十四年 雙龍眼橋 東一橋

閒里人裴 宋橋 明嘉靖四十五年 東武昌橋 元大德庚

上王橋 改名于宋 地于明 今易為木梁 三洞橋 舊係石梁後

十五年里人王 期昇 楊母公橋 在縣東北 沙塘港橋 正德

徐階鳳捐貲重建

裴清 許墓橋 明嘉靖十年 道 周鐵橋 在太 下邳橋 明宏治

陳祿 萬瀆橋 明隆慶 蔣瀆橋 明正德 社瀆橋 明嘉靖二 官

瀆橋 明正德 吳四瀆橋 明嘉靖十 中津瀆橋 明嘉靖四 大浦

橋 明宏治 十年建

己上舊在洞山區今入洞上洞下區

分水墩橋 明正德八年 新塘橋 明嘉靖十年 都憲杭淮建

褚店橋 湖 鍾溪橋 明嘉靖二十二年 黃塘橋 明正德 應村橋

明嘉靖四 朱石橋 元至治元年 蘇墅橋 明嘉靖二 馬莊墩

橋 在普陀庵前 婦邵龔氏陸 唐氏邵張氏於雍正初合建

寺橋 明隆慶元年建 中巷橋 明洪武三年建 東富陽橋 明成化間建 西富陽橋 明嘉靖十二年建

明成化 龍亭橋 明正德十年建 歸龍橋 明嘉靖八年建 黃墓橋 明嘉靖十二年建

高城橋 明嘉靖十年建

已上在萬二區

遺愛橋 俗名雲霧 在縣西二十五里 宋嘉定末攝令洪備築堤成梁 凡十有四 後以規利為渡者撤之 今復

建 城塘橋 在縣西二里 高遙橋 在縣西北十五里 天生橋 在縣西北二十五里

陸友仁建 國朝康熙 范道橋 在縣西北三十里 元至正八年 陸英捐貲重建 闕建 明萬曆五年 戴姓重

修有 瀚瀆橋 明嘉靖二年 巷大橋 明嘉靖二十年 毫村滄橋 碑記 十五年建 九年修

黃干橋 桂橋 距城西十里 宋瀆橋 距城西八里 澄潭橋 距城西十二里 程

墅橋 距城西十里 在軫 閃溪橋 村桃花圩之間

已上在成任區

鍾離橋 在縣西北五十里 明 駱家橋 在縣西四十五里 新河橋 明嘉

靖二十 許瀆橋 明嘉靖二年 孟河橋 明嘉靖四年 南莊橋 明嘉

四年建 吳秀 林上橋 明嘉靖三年 袁村橋 明萬曆元年建 豐義橋 明嘉

六年 領官銀建 明嘉靖二年 莊河橋 明嘉靖三年 廟下橋 明嘉靖四年

建 馬家橋 明嘉靖二年 江莊橋 明嘉靖四年

已上在神安區

周舍橋 在縣西七里 周山橋 在縣西九十里 符墅橋 在縣西坊前橋

跨長壽河 塾頭橋 去坊前橋 江步橋 去塾頭橋 店基橋 去

南北孔道 塾頭橋 西一里 湯墅橋 在縣西九十里 南社橋 在縣西吳墅

步橋 西三里 北達金 九十里 吳墅 沙儒村南 適新市 橋梁

橋 新莊橋 明嘉靖四十二年建 受陞渡橋 明嘉靖三十二年建 鵬程橋 明成化二年建

年 河頭橋 明嘉靖二十五年建 一名通濟橋有碑

已上在清東清西區

就安橋 在縣南三里縣令趙與哲建康熙甲午年邑人中丞潘宗洛捐貲重建有碑

邑人瞿源洙記曰由邑南門趨溪南諸村必自土干始而中隔巨浸昔有就安橋載縣誌歲久傾圮無遺跡居民設舟以渡而水勢汪洋風衝濤激往往覆溺問津者多病涉康熙甲午年大中丞潘公自湖南巡撫歸見而憫之曰此吾桑梓地安可視其阡危當造一橋以濟之德配蔣夫人立贖千金畀族人令壘石為橋于是運土

輦石工以千計不再期橋成開三水門以通舟仍名就安俗呼三洞橋逾年而蔣夫人卒中丞公亦卒橋雖成而未固其上壘石痺薄易動搖車衝輦擊日夕奔馳橋遂將圯其嗣君東平牧承權曰此吾父吾母功德所寄當繼志以成之遂于己巳年捐貲再加輦石缺者補之欽者平之勒級百層以便行人橋始鞏固爰述其經始之年與落成之歲云

謝橋 在縣西 流杯橋 在縣南六里相傳周孝侯射虎處 大澗橋 在縣西

溪橋 在縣南明嘉靖三十三年重建西沈之水數道東下惟此最大亦最迅故俗稱急水橋土人依橋設網得魚最多國朝順治三年吳洪裕捐貲撤其網請當事立案永禁 確坊橋 在縣南明嘉靖二年重建坊

前木橋 明景泰元年重修 離羣橋 明嘉靖四十二年蔣潘等領官銀重建 澗北橋 明

靖四十二年周 柘塢舖橋 夏姜橋 建自夏姜二姓故名 石澗橋 明

紀等領官銀建 雍正間里人 雁行橋 姚莊橋 明隆慶二

人許順 五湖橋 張枚臣建 婦屠氏捐貲修建

等重建 張師橋 常富橋 明嘉靖二十六年節

已上在山亭區 橫塘橋 永豐橋 義瀆橋 梁辛瀆橋 明正統四湖洋

渚橋 明萬曆間 昌福庵橋 後河橋 明嘉靖三張澤橋 在

東南二十里跨蠡河 梅林橋 在縣東 北施蕩橋 在縣東二雪

康熙五十四年重建 霽橋 在縣東南

三十里 已上在清泉區

侍郎橋 在湖汶鎮舊傳陸希聲隱處蔣穎叔題其 宋方橋

在縣東南五十里 元 夾浦橋 明成化 定跨圓橋 定跨方

至正間崔重寶建 橋 洞靈橋 在天中 迎仙橋 在天申 皇駕橋 在侍郎 李廣

橋 在張公 川埠橋 明嘉靖 蜀山橋 明嘉靖四十四年史際

永甯橋 明洪武 湯渡橋 舊志名畫溪橋康熙四十四年建

道村民 長春橋 永安橋 柴瀆橋 袁阪橋 鳳凰橋

公建 灌瀆橋 秋濱橋 古橋 馬瀆橋 箭瀆橋 雙橋

丁山橋 黃瀆橋 烏溪橋

已上在均上均下區

通津橋 一名高陽橋在縣西四十五里宋泰 宜豐橋 在縣

定三年建 明嘉靖二十四年許楷修 橋梁

十里明隆 徐舍橋 在縣西南三十六里明嘉靖四
慶間重修 在縣西北 西蕩橋 在談村明隆
在縣西四 宛莊橋 四十里 西蕩橋 慶六年建 李濱橋

十八里 李濱明萬 李家大圩橋 在北禾豐西明嘉
跨李濱明萬 李家大圩橋 靖末鄉民協建

歷二年重建 已上在五賢區

都村橋 一名洞子橋 在縣西五十六
里正德十六年張銳募建 牛車梁橋 在縣西五

姚村橋 東塘橋 何塘橋 鎮龍橋 楊步橋 明嘉靖
今建 寺橋 八年建 宋安橋 廟橋 以旁有山亭
名廣通橋舊壘石為一洞歲久而圯明
嘉靖三十三年溧陽史際改建三洪平

塘橋 楊巷橋 安樂橋 在縣西六
背兩厓增 西莊橋 修石堤

已上在石亭區

歸逕橋 在縣西南四十五里康熙二
二十二年邑人 八字橋 一在湖橋西
蔣永修重建 周通橋 鯨塘橋 明
靖三十年錢徽捐貲首倡與李金募建
朝康熙二十五年徽元孫之遴復捐貲倡修堰頭橋 明嘉
十七年東蕩橋 明嘉靖二十年吳卓領官 蔣店橋 大樹橋
明嘉靖四十四年丁黠領官銀建木廢 朱潭橋 明嘉靖
國朝康熙七年生員丁新運捐貲重建 西吳澤橋 明
官銀建 蔣詡圃橋 一名五牧橋明嘉靖四
慶三 西蕩圩橋 明隆慶六年李涇等重修 五升圩橋 明隆
年 躍龍橋 明天啟二年 白雲涇橋

廣濟橋 在縣西南八十里明嘉靖二十一年任卿建義莊
崇禎十七年任允清改建徙北更名泰來橋

已上在從善區

橋梁

橋在任卿義莊之西南振龍橋一名南橋在義莊橋之東任堅建步龍橋在振龍橋之東雙

橋 浣橋 西洋渚橋 紫雲橋順治十六年錢坤建前莊橋任宙建

鄭瀆橋任楠建牛橋任兆建薛家橋任宇建

已上在金泉區

永隆橋明正德元年張軌妻杜氏捐貲建五洞橋明嘉靖戊申道人許德熙募建溧陽史際作記

四十八年僧尚義重修邑人何士晉張渚大橋明嘉靖四十年僧作記

洪員領官銀建國朝順治七年張萬銓重募建百家橋明萬曆四十四年陳梗領官銀建今廢玉

帶橋在縣西南六十里祝陵埠相傳蘇文忠公捐玉帶助建下洋澗橋國朝順治間重建七

里店橋一名馬達橋

已上在永豐區

補遺

韭橋在縣西北豐義村橋旁石罅每歲生韭故名相傳赤

烏時建

寶佑橋在縣西北九十里宋時黃端友建

正官橋俗名市橋在山亭區宏治三年談世善承父談明

貽命獨力倡建

閃溪橋萬曆乙未里人謝遴蔣晦齋僧若靜倡捐募建謝

遴誤記

沙塘港橋崇禎元年杭有德等重建

五言詩各省市縣五言詩法各三平...
五言詩各省市縣五言詩法各三平...
五言詩各省市縣五言詩法各三平...
五言詩各省市縣五言詩法各三平...
五言詩各省市縣五言詩法各三平...
五言詩各省市縣五言詩法各三平...
五言詩各省市縣五言詩法各三平...
五言詩各省市縣五言詩法各三平...
五言詩各省市縣五言詩法各三平...
五言詩各省市縣五言詩法各三平...

重刊宜興縣志卷之二

營建志 郵所

養濟院二所一在縣治西南西廟巷北一在法藏寺傍西
城下明宏治閒令王鏐增建萬曆七年令丁懋建移置西
門外福德橋西南前兩所並廢

義阡舊在城西明正統甲子宜興令鄒旦奉周文襄公忱
檄營設計地六畝宏治壬戌宜興令王鏐增至十畝又以
城西地偏一隅別置城南廢地二十六畝沈暉撰記但此
地舊志已稱迷失明崇禎閒湖州錢元愨暨邑紳清出二
畝建埕其上 國朝順治五年邑人任暉臣俞南吉倡買

基地四分五釐建地藏庵於塢前募僧居之

沈暉記太祖高皇帝受天明命代元爲華彝主旣援斯民於水火之中而納之仁壽之域復念鰥寡孤獨疾廢之人生無以爲養死無以爲葬也特詔天下郡縣各設孤老院以養贍之置義阡以收瘞之築無祀壇以祭享之所以仁恤窮民者至矣但歷歲滋久有司視爲故事養濟之典雖尙舉行而義阡則廢已甚矣比歲貧民死亡無地者往往投諸水火或附寄寺觀甚者暴露中野爲鴉犬之所殘毀殆有不忍言者武進鄉民屠敏者憐之白諸郡守楊公二和乞修治義阡楊公是之卽下之

屬縣時知宜興縣王君錄方以修舉廢墜爲心得郡檄歎曰此縣官之責也敢不力遂躬訪各鄉義阡則十廢八九獨城西一區乃文襄公令前尹鄒旦所營遺址尙存但地僅六畝叢塚已徧不可復葬乃出羨財增置十畝又以地偏西北一隅別置城南廢地二十六畝爲義阡各登石爲四大壙凡寺觀寄雷檟檣及田野暴露遺骸悉收葬其中仍爲屋各十楹繚以石垣共三百丈有奇前闢大門募里民無田宅者居之使司啟閉而禁樵牧又以地去稅存未免累及地主則歸于諸鄉之新墾可謂處置得宜澤及存亡者矣于是合縣士庶咸願刻

石以紀功德命庠生單旻等述事狀來請予文予遂爲
之記

樂善堂在南門大街城隍廟前 國朝邑人曹亮武倡募
施棺有年因捐樓屋三進基地三分五釐周世俊萬哀侍
萬廷詔協捐蔣庠復助貲修葺康熙二十一年僧寂靜又
募周氏基二分建屋改名育嬰堂

重刊宜興縣舊志卷之二

營建志

鋪舍

文移急遞刻不容遲鋪舍之設非細故也故例載之
急遞鋪舊凡一十五所明洪武十八年府判湯德重建

正統十四年令鄒旦再建每鋪設鋪司一名鋪兵六名總

鋪在縣治東十里牌鋪草堂鋪官路鋪黃土鋪萬石鋪並

在縣東北境

通武進路

彭莊鋪柘塢鋪潼渚鋪上千鋪張渚鋪

橋亭鋪分界鋪東山鋪薛家鋪並在縣西南境

通廣德路

成化八年裁革萬石黃土二鋪改設塘瀆柵頭鍾溪三鋪

並通武進
毘陵驛路

嘉靖末裁定各鋪兵役縣前總鋪特設鋪司一名鋪兵六
名十里牌至鍾溪凡五鋪每鋪設鋪司一名鋪兵三名省
彭莊上千橋亭東山五鋪自縣至潼渚改名興中鋪設兵
一名存張渚鋪留司兵二名存分界鋪南通廣德存薛家
鋪西通溧陽各留司兵一名

國朝設南北兩塘共設鋪舍一十三所每鋪屋三間共設
鋪兵二十一名額編工食銀百五十兩有零北塘各鋪通
毘陵驛文移繁劇南塘接遞隣郡文檄事較省北塘設鋪
兵數倍之衝僻不同故也

